

EUSKAL HERRIKO TXAPELKETA. Larunbatean amaitu zen laukoa, eta lehen aldia izanik, baikorra izan da ondorioa

Zailduago helduko dira taldeak Euskal Herriko Txapelketara

4 aste barru hasiko da, eta Sakana ez da ariko

Koldo Alduntzin | **DONOSTIA**

Joan zen larunbatean amaitu ziren Euskal Herriko Lauko eta Nafarroako txapelketak eta heldu den urtarrilaren 25ean hasiko da ohiko Euskal Herriko Txapelketa, goman. Etenaldi gutxi izango du, eta gainera, jardunaldi gehienak larunbatez jokatuko dira. Tartean, nazioarteko torneo bat jokatuko da Eskozian, otsailaren 8an. Abadiño eta Sakana dira hara joatekoak.

Lau astera hasiko den Euskal Herriko Txapelketari dagokionez, emakumezkoetan hutsune aipagarri bat izango da, Sakana ez baita ariko lehian. Sakana taldea Nafarroako Txapelketan aritu da, eta bi pisuetako txapelak irabazi ditu, baina Euskal

Herrikoan ez aritzea erabaki du. Gizonezkoetan, Txantrea (Iruñea) izango da ariko ez dena.

Amaitu berri den Lauko Euskal Herriko Txapelketa lehen aldiz jokatu da, eta jakina den bezala, tiralari eta talde berriak sortzeko helburuarekin antolatu zuen Euskadiko Herri Kirol Federazioak. Gasteizko Badaiotz taldea izan da garaile nesketan, bi txapelak jantzita.

Zuriñe Zugazua berria da taldean, eta txapelketako helburuez mintzo da: «Txapelketa irabaztea eta arau berrietara ohitzea; batez ere, zapatilla berriekin jarduteko. Aldaketa handia izan da, baina ez zaigu hainbeste kosta». Kontuan hartuta lauko modalitatea berria dela eta zortzikotan aritzen diren tira-



JON URBE / ARGAZKI PRESS

Badaiotzeko tiralariak, larunbatean, Zugazua bigarrena dela.

lari erdiek jarduten dutela, «lanagatik» kosta zaiela pitin bat bi pisuetako taldeak osatzea dio Zugazuak. Urtarrileko txapelketan Sakana ez aritzea «ezustea» izan dela aipatu du, eta eurentzat «albiste txarra» dela.

Gizonezkoetan Abadiño izan

da nagusi, bizkaitarrek irabazi baitituzte 300 eta 320 kiloko txapelak. Ohiko tiralari guztiak aritu dira, eta baita sei berri ere. Edu Mendizabal da taldeko prestatzailea, eta taldeak orekatzea «dezente» kosta zitzaiola nabarmendu du.

ESANAK

ZURIÑE ZUGAZUA

(Badaiotzeko tiralaria)

«Txapelketa irabaztea eta arau berrietara egokitzea zen xedea»

«Aldaketa handiena zapatillena izan da, baina ez zaigu kosta»

EDU MENDIZABAL

(Abadiñoko entrenatzailea)

«Tiralari guztiak aritu dira, eta pozik gaude erantzunarekin; ez horrela zapatillekin»

Gainera, abadiñarra ez zen kontent zapatillekin: «Ez dute guk nahi bezain ondo hartu. Torrekolanda, esatera, askoz hobeto moldatu da». Oroitu behar da nazioarteko txapelketan ezin izango dela erabili kautxuzko xafla. Txapelketako helburuaz galdetuta, «tiralari berriak sokan ohituaraztea zen asmoa, eta baita urtarrileko txapelketarako moral pitin bat hartzea ere. Alde horretatik, pozik geratu gara».

ARITZBATALDE (Zarautz)

pilotalekutik

gaur, 18:00 etan



"EL DIARIO VASCO" TXAPELKETAREN FINALA
eta gainera,
4 t'erdiko lehiaketan
NAGORE • KOKA

babeslea

BBVA

5
TELECINCO

Josep Lizarza
El mejor estilo
FRONTON